

دار النيل والفرات للنشر والتوزيع

عضو اتحاد الناشرين المصريين رقم 941 / 2018

المسرحية الفائزة بالمركز الثاني فرع التأليف المسرحي في مسابقة
شاعر/ أديب النيل والفرات الدورة الثالثة سبتمبر 2018



أيمن عبد الحميد

رُبَاعِيَّات حُلْم ضَائِع

إعداد عن ديوان رباعيات الشاعر الرائع صلاح جاهين

إعداد ورؤية درامية

أيمن عبد الحميد عوض

fanan_ensan@hotmail.com

fananensanlove@gmail.com

00966531851724 - 0020482275826

مسرحية

الطبعة الأولى سبتمبر 2018

بطاقة الكتاب

عنوان المؤلف : رباعيات حلم ضائع
المؤلف : أيمن عبد الحميد عوض
التصنيف : مسرحية
رقم الإيداع : 2018-16030
الترقيم الدولي : 978-977-6656-72-7
عدد الصفحات : 92 صفحة
رقم الإصدار الداخلي: 247 (طبعة أولى سبتمبر 2018)
تصميم الغلاف: أيمن عبد الحميد
جميع حقوق الطبع والنشر محفوظة للمؤلف، ولا يحق لأي دار نشر
طبع ونشر وتوزيع الكتاب إلا بموافقة كتابية وموثقة من المؤلف

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجي عبد المنعم



دار
النيل والفرات
للنشر والتوزيع
أسسها الشاعر ناجي عبد المنعم
عام 2014

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
alnilwaalfourat@gmail.com alnilwaalfourat

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنترال 13 - عقار 304
ج.م.ع. محافظة المنيا - أبو قرقاص - شرق التربة - خلف محطة السكة الحديد - هاتف 086214428
ج.م.ع. محافظة القليوبية - مركز طوخ - إيمى - هاتف 0132424735

(القروى)

رؤية الناشر

شاعر / أديب النيل والفرات ، مسابقة مُحررة من كل القيود ، فى كل أفرع الإبداع (الشعر الفصيح – شعر العامية – القصة القصيرة – الرواية – التأليف المسرحى – الدراسات النقدية – الأبحاث – أدب الطفل) لا تتقيد بفكر ، أو تَوَجُّه ، أو سن ، الهدف منها تقديم المبدعين الحقيقيين للساحة الأدبية مدفوعة جوائزها بالكامل من حساب دار النيل والفرات دون أى مساعدات – بكل مسمياتها - من أى شخص أو جهة – حلم طالما حلمنا به – وتحقق بفضل الله تعالى مع انطلاق الدورة الأولى فى أكتوبر 2017،

ومنذ انطلاقتها وهى تثبت فى كل دورة نجاحها بتزايد عدد المتسابقين من كل أرجاء الوطن العربى ، يفوز فى كل دورة تسعة وعشرين مبدعا يتم تكريمهم جميعا تكريما لائقا ، ويُمنَح الفائز الأول والأول مكرر فى كل مجال جائزتى (طبع الكتاب الفائز – ولقب شاعر / أديب النيل والفرات)

علنا نكون قد وفينا بالعهود ، وقدمنا للمشهد الإبداعي مبدعا حقيقيا ، والمكتبة العربية كتابا قيما يفيد البشرية.

ناجى عبد المنعم
رئيس مجلس الإدارة

الإهداء

إلى كل حالم....

في وطن لا يعرف لغة الحالمين

إلى كل مهمش... مقهور

رمته الهوامش... طفلاً شريداً

فطار في سمائها مغرداً

إلى كل مكلوم... صارعته الحياة

فدار بين جدلية (أكون أو لا أكون)

إلى الرائع..... صلاح جاهين

أهدي نصي هذا....

أيمن عبد الحميد

Fanan.Ensan -

Fanan.ensan@hotmail.com

fananensanlove@gmail.com

00966531851724 - 0020482275826

نص مسرحى

رُبَاعِيَّات حُلْم ضَائِع

النص المسرحى الحائز لقب أديب النيل والفرات
فى مسابقة شاعر / أديب النيل والفرات الدورة الثالثة

سبتمبر 2018

عن دار النيل والفرات للنشر والتوزيع بمصر

اعداد عن

ديوان رباعيات الشاعر الرائع / صلاح جاهين

اعداد ورؤية درامية

أيمن عبد الحميد عوض

Fanan.ensan@hotmail.com

fananensanlove@gmail.com

00966531851724 - 0020482275826



رباعيات حلم ضائع (مسرحية)

رباعيات حلم ضائع

أو يمكننا القول (حلم وطن مهمش)

مستجمعاً خبرته في مجال السينوغرافيا يخوض الفنان/ أيمن عبد الحميد هذه التجربة مستلهماً روح رباعيات صلاح جاهين ليحكى لنا عن واقع نحياء جميعاً بكل تفاصيله واحباطاته من لحظة الميلاد حتى موعد الرحيل، وقد ساهمت خبرته في مجال السينوغرافيا في جعل النص ذاخراً بالحياة وكان اهتمامه بالرؤية البصرية مواكباً لخطه في السياق الدرامي وواكب ذلك حسن اختياره لما يناسب أفكاره من الرباعيات الخالدة ما جعل هذا النص ذاخراً بالمضمون ومتماشياً مع ما أراد أن يعبر عنه بصدق وقوة. ولا شك أن هذا العرض المسرحي يستحق التوقف أمامه طويلاً اسوة بأعمال أخرى لصاحبه.. وكلى أمل أن نراه قريباً على خشبة المسرح حيث تزداد قيمته كثيراً وكلى ثقة بأنه سيكون نقطة فارقة في مشوار أيمن عبد الحميد في العالم السحري... عالم المسرح.

د. هشام السحار



(مسرحية)

رباعيات حلم ضائع

"أكون أو... لا أكون"

"أكون أو... لا أكون.. تلك هي المسألة... أكون أو... لا أكون.. تلك هي المشكلة... بهذه العبارة المأساوية... يُسَطَّرُ لنا شاعر الانجليز والمسرحي الفذ... (ويليام شكسبير) على لسان بطله التراجيدي... "هاملت" يسطر لنا فصلاً مهماً من كتاب الدراما العالمية... التي بقيت وستبقى أبد الدهر كلما كان الصراع قائم بين قوى الخير وقوى الشر في الكون... وما أشبه "هاملت" بطل (ويليام شكسبير) ب. "مُهمَّش ضائع متعوس على عينه" بطل رائعة... أيمن عبد الحميد "رباعيات حلم ضائع"... فهما يتطابقان تماماً.. في مأساة كل منهما... فالأول مأساته في علاقته بأبيه المغدور به من ناحية عمه وأمه... وحبه الشديد لأمه ولملك أبيه المسلوب.

وكذلك "مهمش" في صراع درامي رهيب بين طموحه وحبه لحبيبته "ورد" وبين فقره الشديد وفقر أبيه وعائلته الذي يحول دائماً بينه وبين حلمه المستحيل التحقيق ليظفر بحبيبته.. ليدخل في صراعٍ أزلي في "أن يكون أو... لا يكون" ليبقى الصراع الأزلي قائم إلى يوم الدين بين الخير والشر...

والجميل في هذه المسرحية الرائعة "رباعيات حلم ضائع"

لأيمن عبد الحميد – أنها لم تأخذ رباعيات صلاح جاهين وتنسج عليها دراما.. كما فعل السابقون له حين مسخوا الرباعيات – لكن "أيمن" كتب دراما مكتملة الأركان ثم قام بتضفير الرباعيات الصالحة فقط والتي تخدم الدراما والسياق الدرامي.

تحية ملؤها السعادة والانتشاء للمبدع الكاتب المسرحي والشاعر الكبير / أيمن عبد الحميد رغم شهادتي المجروحة فيه.

محمد عبد الحميد عوض
(شاعر العرب- أديب النيل والفرات)



الستائر مغلقة...

المكان: مسرح علبة إيطالي تقليدي
ينتظر الجمهور افتتاح العرض.....
يطول بهم الانتظار لفترة....
تضيء اضاءة الصالة وتطفأ أكثر من مرة في انتظار بداية
العرض ولا يحدث
هرج كثير واصوات غريبة...
يخرج من الصالة وسط الجمهور شاب وسيم
((يجيد الغناء صاحب صوت شجي))
قاطعاً حالة الانتظار هذه صاعداً درجات المسرح ممسكاً
بمكبر الصوت متمتماً بعبارات الإصرار والتحدي:

المغني : أيها الجمهور الحبيب... كل الحضور اللي شرفنونا
النهارده... عارف والله انكم منتظرين العرض
الليلة دي. وانكوا متشواقين تسمعوا وتشوفوا
الستارة وهي بتتفتح والموسيقى وهي بتعلّى.. بس
شكلنا كدة مطولين. علشان كدة طلعت هنا
اقولكم.....

انا اسمي.... مش مهم اسمي.. بس انا شاب زي
أي شاب في أي حته.. واحد من بين الناس. كنت
قاعد في وسطكوا مستني... ولاني باحب الغنا
وبحب اللي بيحبوه...وقفت فجأة لما صوت شاعرنا
الجميل صلاح جاهين رن في ودني وقاللي:.....

يا عندليب ما تخافش من غنوتك... قول شكوتك...
واحكي على بلوتك... الغنوة مش هتموتك انما...
كتم الغنا مش هو اللي هيموتك..... انا صوتي
حلو..... ونفسي تسمعوه... ارجوكو تسمعوه
لحد ما العرض يجهز... خلوني أقول شكوتي...
واحكي على بلوتي.... موافقين... يارب تكونوا
موافقين... بس تغنوا معاياه لو صوتي عجبكم...
ياالله نغني..... ياالله قولوا.. معاية...

(يبدأ في الغناء مشيراً لملحن العرض الذي يجلس جانباً
فيشاركه العزف..
للحن وغناء اغنية شاعرنا الرائع جاهين
(مفترق الطريق))

ساعات أقوم الصبح قلبي حزين
اطل برة الباب ياخذني الحنين
الى اشتريته انباع واللى لقيته ضاع
واللى قابلته راح... وفات الأنين
وارجع وأقول ارجع وأقول
لسة الطيور بتفن والنحليات بتطن



والطفل صرخة يرن مع ان

مش كل البشر فرحاً!!!!!!!!!!!!!!!!!!!!!!النين

تفتح الستائر من خلف المغنى.

لنرى المسرح لوحة تشكيلية ثابتة لمجموعة من البراويز
والشماعات والاسطوانات الموزعة توزيعاً متقناً ومتناغماً.
ومجموعة من الممثلين العالقين بمشابك ضخمة فى
شماعاتهم المدلاه فى تكوين سينوغرافي متميز تظهر به
صورة متقنة لاشابة عرائس الماريونيت المعلقة فى خيوطها
داخل براويز قديمة.

ليبدأ العرض المسرحى وكأنه رحلة فى أعماق المغنى.

الأب : (فى بروازه يمين المسرح اعلى اسطوانته):

عجبنى عليك.. عجبنى عليك يا زمن.. يا بو
البدع يا مبكى عينى دما.

الأم : (فى بروازها يسار المسرح اعلى اسطوانتها):

عجبنى عليك.. عجبنى عليك يا زمن.. يا بو
البدع يا مبكى عينى دما.

الجد : (فى بروازه اعلى منتصف المسرح اعلى اسطوانته)

عجبنى عليك.. عجبنى عليك يا زمن.. يا بو
البدع يا مبكى عينى دما.

يبدأ الممثلون فى الحركة فى اتجاهات مختلفة وبطرق اداء مختلفة. فى تشابك حركي متواتر فى اتجاهات متنوعة مع طرح نفس الرباعية..متداخلة اصواتهم فى تصاعد صوتى متناغم. حتى ينهوا جميعا الرباعية كاملة:

عجبنى عليك.. عجبنى عليك يا زمن..
يا بو البدع يا مبكى عينى دما.
ازاى انا اختار لنفسى طريق...
وانا اللى داخل فى الحياة مرغما.

(يصل الجميع الى طرفى شبكة صيد ملقاه على أرضية منتصف المسرح ممسكين بها بقوة)
اظلام تدريجى.

بؤرة ضوء على غريبال ضخم عند طرف الشبكة بمنتصف المسرح ينتظر قدوم جنين

لنرى تصور تشكيلي لرحم أم به خيال ظل لجنين على وشك الولادة. فى طقس يوحى بحالة الولادة المتعثرة.

(يمكن عمل ايقاع المشهد بدقات الهون.)

الجميع معا: هिला.. هوب.. هिला... هिला هوب هिला.. هिला
هوب.. هिला هوب..
هिला هिला هिला... هوووووب.....
(صراخ طفل)

غناء فى شكل جنازى بايقاعات حزينة:

حبا حبا يا صغير.... يا كبير وصغير
يا حزين ومكثر... وشك للكون

فارد احلامك.. للريح قدامك
وما تعرف انك فى الغابة الواسعة
وما تعرف انك... نبت صغنون

وشرا عك دهبى... بالريح متعبى
يا جلابى وجلبى..... يابو ريش عصفور

وكائك خايف.. من كون مش عارف
غير دم وفرقة.. وحروب وجنون

نرجوك ما تخافشى.... واتحمل وامشى
دا حياتنا بدونك.... قضبان وسجون
دا حياتنا بدونك.... قضبان وسجون

(يتخلل ذلك مرادفات طقوس الولادة... ودقات الهون
والدفوف... وفى اثناء الغناء يتعامل الممثلون فى شكل
راقص مع الغربال والمولود حتى ينتهى التشكيل على
الغربال عاليا فوق الاكف. وبؤرة ضوء على الغربال فقط)

صوت خارجى:

مرغم عيك يا صبح مغصوب يا ليل...
لا دخلتها برجليه.. ولا كان لى ميل
شايلى شيل دخلت انا فى الحياة
وبكرة هأخرج منها... شايلى شيل

الجميع : (يلقوا بالغربال على الارض): هيللا هيللا
هيللا... هوووووب.....

(صراخ طفل)

رجل 1 ورجل 2 معا: واو... رائع..... يا جماله
رجل 2 : مولود جديد... البيت يستقبل مولود جديد..
رجل 1 : اكتب عندك.. فى الصفحة الاولى... كانت
صرخة المولود موحية... تعبر عن تزممر
واضح
وتمرد محتمل.. ميلاد مرعب.
رجل 2 : عظيم.. هائل جدا.. دا حنا هنتشتغل شغل...
هو بالال.
الام : (تخرج من البرواز)

مرحب ربيع.. مرحب ربيع.. مرحبة
يا طفل ياللى فى دمي ناغا وحبا
علشان عيونك يا صغير هويت
حتى ديدان الارض والاغربة.
الاب : (يخرج من البرواز)

ولدى اليك.. بدل البالون ميت بالون
انفخ... وطرقع... فيها على كل لون

عساك تشوف بعينيك مصير الرجال
المنفوخين فى البدلة والبنطلون..

الجد : (من داخل البرواز)

خوض معركتها... خوض معركتها... اصلب
طولاك.

خوض معركتها... زى جدك ما خاض
صالب وقالب شفتك بامتعاض
هى كدة ما تنولش منها الأمل
غير بعد رد وصد واوجاع مخاض
اصلب طولك.....

رجل 1, رجل 2 معا: ما هذا.....؟ ما هذا؟.... ما هذا؟

رجل 1 : الجد يكذب... فقد وجد ميتا على احد الارصفة
بشارع محمد على

رجل 2 اثر تناول كمية كبيرة من الكحوليات....
رجل 1: رجل 2 معا: كذاب..... ومعفن.

(تداخل من الاب والام والجد. يتصاعد حتى يصل الى
زروته. ثم ينسلخ الاب)

الاب : (خارجا من البرواز):

ايوة... هاسميه اية؟ هاسمية اية؟

الام : (خارج البرواز) هاسميه اية؟ هاسمية اية؟

- الاب : ايوة. هو دا.
- الام : ايوة. هو دا.
- الاب : هو دا... رائع... عظيم. هاسميه فارس.. ايوة فارس.. اسم جميل.. يركب صهوة جواده يرفع سيفه البتار... ويحرر بلاد الله... بس فارس دا ايه؟؟؟ فارس كدة وبس.. وصهوة جواده دا ايه. لا لا لأ. فارس دا ايه. انا لازم اسمى ابنى اسم ما يخرش المية. بس اسميه اية
- ايوة... هو دا رائع... هاسمى ابنى.....
- وطن... ايوة. وطن... اسم رائع. عظيم. مفيش غير كدة. ابنى اسمه وطن.... رائع.
- الام : هاسمى ابنى أمل... ايوة أمل.. أمل رقيق.. طائر فى السما... بس أمل دا ايه؟ لا لا لأ.. مجرد أمل.. لا هاسميه حلم... ايوة حلم اسم جميل.. رائع ابنى اسمه حلم.
- الجد : هاشميه... هاشميه... شيبهم يلعبوا.. ومفيش حد هاشميه غيرى. انا جدو اكبر واحد فى شلالة العائلة العريقة. عائلة (((على عينه))) ضرورى وحتما ولا بد. اشميه انا... بش

هاشميه اية؟ مش عارف... مش عارف.

الرجلان 1, 2 : يا نهار اسود.....

رجل 1 : الام تفكر.. أمر مفزع...

رجل 2 : لديها امل فى الحياة..

رجل 1 : ورغبة متوحشة فى تحقيق الحلم..... !

رجل 2 : والاب؟

رجل 1 : الاب... ايدلوجى.. انتمائى.. متغطرس.

رجل 2 : متغطرس.

الرجلان 1, 2 : ومعفن.

الاب قاطعا : ايوة... وطن... ياااااااه رائع.. وطن مولود.

الرجلان 1, 2 : يا جماله !!!!!!!!!!!!!

الاب : وطن صغير..... (صرخة طفل) وطن

بيصرخ.. وطن بيحبى.. وطن بيظاوى.. وطن

بيكبر.. بيكبر... بيكبر... يااااااااه. عظيم

قوى اسم وطن دا... ابنى اسمه وطن.. جميل

بس.. هو يعنى ايه وطن... يا نهار اسود....

يعنى اية وطن.. هو انا مش فاكر ولا اية.

يعنى اية وطن؟؟؟

الرجلان 1, : يعنى واو. وطه. ونون ولا حالة م الشجن.

2

الاب : يا نهار اسود... انا مش عارف... لا لا لأ.. انا

مالى؟ جralى اية؟ اية اللى بيحصللى. هو انا مش

عارف ولا اية. ايوة هافتكر اهو.... ما هو لازم

افتكر... هو كان بيقول: كان بيقول: ايوة

كان بيقول: وطن يعنى حياة. انا وطنى اذن

انا موجود... جميل. هو دا ,

لازم اسم ابنى ببقى وطن...

الام : لازم اسم ابنى ببقى حلم..... اسم جميل.. حلم

اتولد... حلم مزقرق. حلم رقيق.....

حلم صغير... حلم بيكبر بيكبر بيكبر.....

ياااااااااااا. ايوة لازم اسميه حلم. واشوفه بيكبر

واشوفه بيتحقق. واشوفة نجم على فوق....

قرص شمس فى سما صافية... أخذو فى

حضىنى واهدهده وأقوله: (يصاحبها الغناء)

يا قرص شمس ما لو هتش قبا وسما

غناء يا قرص شمس ما لو هتش قبا وسما

: يا ورد من غير ارض شب ونما
الام

: يا ورد من غير ارض شب ونما
غناء

يا اى معنى جميل سمعنا عليه

: يا اى معنى جميل سمعنا عليه...
الام

الخلق ليه عايشين حياة مؤلمة

: الخلق ليه عايشين حياة مؤلمة.
غناء

: الخلق ليه عايشين حياة مؤلمة.
الام

ايوة ابني اسمه حلم. بس هو انت بتحلمى باية

يا بت يا حزينه. ايوة صحيح انا باحلم بايه؟؟.

ايوة با حلم اشوفة كبير وعظيم. بياكل كل يوم

وبيشرب كل يوم... بينطق وبيتكلم... رقيق

ووطنى.

: وطنى... آه صح. وطنى... وطنى؟؟؟
الاب

(في تهكم)

مركب ورق من نفخة تتطوح.....

ركبتها والكل بيلوح

لوحث فيها اثنين وخمسين سنه..

للآن لا بتغرق ولا تروح

(من الممكن ان يصاحبه الغناء)

الرجلان : (معا) :/ الله.. الله.. الله.. الله.. الاب يشعر.

رجل 2 : يشعر؟

رجل 1 : تمرد متأخر تبدأ اعراضه بعد سن الستين.

رجل 2 : ويتسبب فى العجز على جميع مستوياته.

الرجلان معا : واو..... يا جمالنا.....

الاب : وطن..

الام : حلم...

الاب : (محدثا الام): ها يا حزينه؟ هاتسمى ابنك اية بقى؟

الام : قلت لى بقى هاسمى ابنى اية...؟ هاسميه

- هاسميه.. هاسمية حلم. اية رايك بقى؟؟؟
- الاب : حلم... حلم دا اية..... انا ابنى بيقى اسمه
حلم.... حلم كدة وبس.. حنة حلم... لا
- الام : امال هاتسميه اية يا سبع البرمبة.. ؟
- الاب : لا... دا انا هاسميه حنة اسم. هيخليه خالد طول
عمره.. عظيم موجود... باقى وكبير عارفة
هاسميه ايه... هاسميه وطن.
- الام : وطن... يا نهار ابيض... وطن دا اية انت
اتجننت يا راجل. لا... اشطح زى ما تشطح
بس مش للدرجة دى. انت مودينا لفين؟؟؟؟..
لا لا لا,,, وطن دا اية؟؟؟؟
- الاب : وماله ياولية؟
- الام : حلم يا خوية ارحم... هو احنا ناقصين. دا احنا
بناكل بالعافية. وبنشرب بالعافية؟ وبنقسم
اللقمة... ها تأكل وطن بحاله....؟ هاتشرب

وطن بحاله.. هتبقى مسئول عن وطن بحاله. دا
 احنا مرقعين الهدمة. وماشييينها بالكاد. لا لا
 لا. وطن دا اية؟؟؟؟؟؟؟؟

الاب : وهو حلم اللى حلو قوى يا ختى؟
 الام : اهو حتة حلم صغير.
 الاب (ساخرا): هنلبس حلم. ودا نلبسه ازاي ده... هنعدي
 حلم.. هو احنا لاقيين نتعدي.
 معا : دا الموضوع كبير بقى؟
 الاب : بس برضة هاسميه وطن...
 الام : يا راجل هاتشوفه بيكبر.
 الاب : ولو.... وطن يعنى وطن.
 الام : هتشفه عظيم.
 الاب : برضه ولو..... انا قلت وطن يعنى وطن.
 الام : وانا قلت حلم يعنى حلم.
 الاب : وطن يعنى وطن.

- الام : حلم يعنى حلم.
- الجد (خارجا من البرواز مقاطعا):
شكووووت. جرى ايه؟ ... هو الواحد مش
هايعرف يموت فى البيت دا ولا ايه.؟؟؟
- الرجلان (معا): رائع.....
- رجل 1 : يتشاجران. مؤشر جيد.
- رجل 2 : بيعبروا عن رأيهم.... بيخرجوا الكبت.
- الرجلان (معا): شعور شعبوى متحرر.
- الاب : انا اللي بأكل واشرب. وألبس. انا حر اسمى
ابنى زى ما انا علوز.
- الام : بتاكل؟ ابقى بقى خده على باب السيدة يطلب
احسان. وطن بيطلب احسان. بالزمة دا اسم؟
- الاب : بياكل لقمته بعرق جبينه.
- الام : أه... جبينه.
- الاب : مش احسن ما يكون. حلم فقير. مكسور ومدغدغ.

حلم محرق.مشدوه وحزين.دا يبقى كابوس

الام : بقولك اية؟ انا قلت حلم يعنى حلم.

الاب : وطن يعنى وطن...

الام : حلم يعنى حلم.....

الاب : وطن يعنى وطن...

الطفل (من داخل الغريال جالسا كاشفاً عن وجهه):

يا جماعه..... استهدوا بالله. هو الواحد مش هايعرف يتولد فى البيت دا ولا ايه؟

الجد : شيبهم يلعبوا.. احلى حاجة ان ما حدش فاهم حاجة... هى كدة عيلة ((على عينه))
ما بيطلوش نقار.

الرجلان : الجد...

رجل 1 : هادىء.

رجل 2 : وعابس.

الرجلان : وواتق من نفسه.

- رجل 1 : بس... الجد دا مش مات قبل كدة.
- رجل 2 : نعم... لقد سجلت ذلك من قبل بالورقة الحادية عشر فى السنة الثانية والسبعين من عمره.
- رجل 1 : مش هو دا اللي لاقوه مقتول ع الرصيف.
- رجل 2 : ايوه بتاع الكحوليات المسروقة.
- رجل 1 : عظيم... اكتب عندك..... الجد استفاق.
- رجل 2 : صحى تانى بعد ما مات ,
- الرجلان : ما هذة العائلة المعمرة.. (لبعضهما البعض): هتعبونا قوى؟
- الاب : خلاص... انتهت. هو وطن يعنى وطن.
- الام : لأ.. حلم يعنى حلم.....؟
- الجد : (باستهزاء): شكوت.. واد يا ضايع... يا ضايع بت يا حزينه... يا حزينه...
- الاب والام معا: ايوه يا بابا.....
- الجد : روحوا اتلهوا على عينكم. انت وهى فى ليلة واحدة. انتوا اتجننتوا. ازاي تتعدوا على شلالة العائلة. (يداعب الطفل) انجغه يانونو يا عشل.

ازای تتخطوا ابوكم متعوس... قوام انتسيت...
كدة يا حزينة.. تهون عليكى الارصفة.
كدة يا ضايع..... يهون عليك الدقة والسميط.
السميط.السميط

خلاص انا اللى هاسميه..... وانتوا اخرسوا
ماحدش يفتح بقة بكلمة واحدة.

الاب والام معا: خرس لية يا بابا.....

الجد : ايوة تخرسوا..... وتقصوا لسننكم كمان.
وترموها للسّمك. يا نهار اسود بقى انت عاوز
الواد بيقى اسمه: (وطن ضايع متعوس على
عينه).. يا خرابى

الام : بيقى حلم... شكرا يا بابا.

الجد : اخرسى... حلم دا اية يا ختى. حلم دا اية يا
حزينة... بقى انت عاوزه الواد بيقى اسمه؟
(حلم ضايع متعوس على عينه.) دا بيقى
كابوس. كابوس.

الاب والام معا: امال اية؟؟؟ هانسمى ابننا اية؟

الجد : هانسميه.. هانسميه..... مهمش.

الاب والام معا: مهمش؟؟؟؟؟؟!!!!!!!

الجد : ابوة.

الجميع : مهمش ضايع متعوس على عينه.

الجد : هو دال.....

غناء : ياللى انت بيتك قش مفروش بریش

تقوى عليه الريح يصبح مفيش

عجى عليك حواليك مخالب كبار

وما لكشى غير منقار وقادر تعيش... عجى..

رجل 1 : اووووووووه. هل سجلت كل شىء.

رجل 2 : ليس بعد

رجل 1 : مشوقة جدا تلك اللعبة.

رجل 2 : ومجنونة قوى العيلة دى.

رجل 1 : اب متطلع... سجل كل ما اقوله الآن.

رجل 2 : حاضر سيدي.

رجل 1 : اب متطلع. متمرده.. بس فقير معدم... ام اسم

على مسمى حزينة وهى حزينة لديها ميول
تقدمية.. بتحلم.

- رجل 2 : طب والجد؟؟
- رجل 1 : الجد دا بقى حكايته حكاية. كذاب ومعفن. بس لذيذ.. ومهرج
- رجل 2 : لذیذة حقا لعبة المهرج هذه.
- رجل 1 : (يتفقد المكان): ما كل هذه الشماعات؟
- رجل 2 : يمشى على الحبل. يبدل الحقائق. يضحك الحزين ويحزن المبسوط. ويرضى جميع الاطراف.
- والغريب ان كل الجمهور بيصقف. هذا الجد حقا ولد شقى.
- رجل 1 : هل سجلت كل شىء...
- رجل 2 : ليس بعد...
- رجل 1 : لكن الا ترى ان هذا البيت غريب.
- رجل 2 : نعم.. شماعات شماعات..
- رجل 1 : شماعات وبراويز..
- رجل 2 : عشرات الشماعات.
- رجل 1 : ومئات البراويز.
- رجل 2 : شماعات بلا ملابس.

رجل 1 : وبراويز بلا شخوص.

رجل 2 : ستائر سوداء..

رجل 1 : حوائط سوداء..

الرجلان معا: وحبال مدلاه؟؟

رجل 1 : هل سجلت كل شيء..

رجل 2 : ليس بعد...

رجل 1 : سجل كل شيء. لابد ان نقدم كل شيء فى
موعده وفور حدوثه.

الرجلان معا: اووووووة... هل رايت ما رايت؟ (ينظران
للجمهور): يا نهار اسود.. كل دول بشر

رجل 1: انزل انزل.

رجل 2: جمهور متفرج... هل اسجل كل ما أرى ؟

رجل 1: نعم... سجل.

رجل 2:.... يا خرابى كل هؤلاء يشاهدون.

رجل 1: كل دول بيتفرجوا.. رائع.. نوع من انواع الثقافة..

رجل 2: الكل يشاهد الكل...

رجل 1: الجميع يرى العائلة..

الرجلان معا: المنزل مخترق.....

رجل 1: عظيم.. سجل.

رجل 2: هو اية اللى سجل.. هاسجل كل دول.

رجل 1: طبعا.. سجل.

رجل 2: هو اية الحظ الهباب دا...

(يجرى على احد المشاهدين): اسمك يا استاذ...

وظيفتك يا سيد... الشاب يضحك. السيدة تموت

من الضحك. ويوجد رجل ذو شعر ناعم.. يجلس

على مقعد امامى ,

رجل 1: ما هذا البيت الغريب.

رجل 2: اية الليلة الهباب دى...؟

الرجلان معا: هو ياااااااااااا. ما هذا؟ (ينظران للملحن بعمق):

ملحن.

رجل 1: يوجد بكرن المنزل ملحن.

رجل 2: العائلة تحب الموسيقى.

رجل 1: بدأ الملحن يدوزن.

رجل 2: يدوزن.

رجل 1: الملحن يتاهب للعزف.

رجل 2: يتاهب. (صراخ طفل)

رجل 1: الملحن يتأهب للعزف والولد يصرخ.

رجل 2: يتاهب للعزف والولد يصرخ.

رجل 1: الملحن يعزف.

رجل 2: الملحن يعزف والولد يصرخ.

رجل 1: الملحن يعزف والولد يصرخ والجمهور مشدود.

رجل 2: الملحن يعزف والولد يصرخ والجمهور مشدود.

رجل 1: الملحن يعزف والولد يصرخ والجمهور مشدود.

والشتائر سوداء.

رجل 2: سوداااااااااا.

غناء: انا اللي بالامر المحال اغتوى..

شفت الامر نطيت لفوق فى الهوى

طلته ما طلوش ايه انا يهمنى...

ما دام بالانشوی قلبی ارتوی , عجبی.

(تبدأ الاضائة فى التصاعد من جديد يتغير شكل المسرح بما يوحى بساحة لعب لاطفال صغار. المولود يبدأ فى الحركة. يدخل الممثلون بنعومة وكانهم اطفال صغار يحملون بالونات والعباب طفولية من خلف الاسطوانات فى حركة بطيئة وناعمة. موسيقى ناعمة. كأنهم فى حلم رقيق)

[illegible]

الرجلان ببطيء شديد وتفحص: هبأااااا يا جماله.

رجل 1: طفولة معذبة..... طفل متمرّد.

رجل 2: شكنا هنتعب قوى مع العيلة دى. هل اسجل ما ارى

رجل 1: نعم....

رجل 3: واوووووووووووووووووووووووووووووو.

((المشهد الثانى))

البنّت: انا... انا... انا اسمى توته.

ممثّل 1: اسمك توته ؟

البنّت: نأه.... توته.

الجميع: آآآآآآآآآآ... توته.

البنّت: نأه.. نأة.. توته. توته.

ممثّل 3: توته.

البنّت: ايوّة توتة.. انت اسمك ايوّة؟

ممثّل 3: امى.. امى,,, انا امى امن؟

البنّت: اسمك امن.

ممثّل 3: نأه,, امن. امن.

الجميع: آآآآآآآآ... امن.

ممثّل 3: نأة نأه امن. امن.

البنّت: آة. اسمك ايمن. اسم كميل. انت العب.

ممثّل 3: ايوّة... العب... احلم حلمه.. وحدى.

الجميع: هاااااااااا.. لعبة كميلة.

ممثل 4: العب تانى العب معاك.

ممثل 3: لأ.. انت وحش... ((ثم اللبت مقربا منها)): انت
العب معاك.

البنت: العب ازای؟

ممثل 3: انا اقولك ... انت غمض.. احلم حلمه احنا قولك ..
انت قول.

الجميع بشكل متداخل: انا العب معاك.. وانا العب معاك...
وانا العب معاك.

ممثل 3: كله العب.. احلم حلمه... با با قول كله احلم.. ماما
قول كله العب حلمه.. انت غمض

ممثل 3: احنا قولك.. انت احلم.. وانت قول...

الجميع: ايوة انت.. انت غمض.. احلم حلمه... يا لا قول.

ممثل 2: ياله لاص... واحد انين... لاة.

الجميع: ياله قول.. انت حلمه: يا له قول. انت حلمه...

ممثل 2: حلمه امى.... حلمه شاطر... حلمه شجرة.. حلمه بابا.. نونا حلوة.. حلوة وتوتو.

الجميع: حلمه حلوه.. نونا شاطر.

ممثل 2 (يشير الى ممثل 4): انت احلم. لعب حلمه.

الجميع: يا له غمض.. ياله قول..

ممثل 4: ياله لا ص... واحد انين لاته.

الجميع: هااا... ياله قول.. انت حلمه: يا له قول. انت حلمه...

ممثل 4: حلمه... بنه (مشيرا الى بطنه). بنه اكبر.. آكل

نانا... نانا دوق حلمة بطة,,,,, حلمه وزه... حلمه

طيخة... حلمه فول.

الجميع: حلمه وحشة... بنه اكبر... بنه اوجع... نونا موت..

ممثل 4: يا له انت؟؟ انت اللعب.

ممثل 5: ياله لا ص.. واحد. انين. لاته.

الجميع: هااا... ياله قول.. انت حلمه: يا له قول. انت حلمه...

ممثل 5: حلمه ايدو... ايدو اكبر... اكبر اكبر. كسر كله...

اضرب كله... كله موت.

الجميع: يى... حلمه كخة كخة كخة. (يبصقون عليه ثم

يشير الجميع الى البنات)

الجميع: ياله توتة... احلم حلمه.. يا له توته.. ياله قول.

البنات: ياله لا ص.. واحد. انين. لاته.

الجميع: يا له قول....

البنبت:

حلمه فراشة... نورة فوق..

بنته حلوة.... فورة وتاتا.

حلمه بابا.... حلمة ماما.

حلمة فرحة..... حلمة دادا.. وحلمه موز

ممثل 4: انا وحدى آكل موز.. انت بابا مش اجيبلك موز.

الجميع: فى تداخل: انا آكل موز.. وانا آكل موز.. وانا آكل
خوخ.

مهمش 1 فى الغربال: نا نا.. ماما.. نانا... والاء ماما ماما

الجميع: يااااااااااااه |.. نونا. نونا..

البنبت: نونا حلوة.... نونا آكل. انت حلوة انت اسمك اية؟

مهمش 1: امى... امى... امى امش.

الجميع: امش..؟

مهمش 1: ناه.. امش امش.

الجميع: آااااااااااخ امش.

مهمش 1: ناة.. ناة.. امش امش.

الجميع: يا لا العب... امش العب.. يا له احلم... امش احلم.

مهمش 1: ياله لاص.. واحد. انين. لاته.

الجميع: ياله. احلم. يا له قول:

مهمش 1: حلمه نانا..... حلمه تاتا

حلمة قمره.. حلمه نور

حلمه اكبر.. اكبر ديدو

حلمة اكبر... اكبر فوق

حلمه بابا... حلمه ماما

شجرة حلوة.. وردة دوق

غناء: بنفس كلام الحلم الرقيق. الجميع يغنى؟ يعلو الغناء.
الجميع يلعب. كل يحلم حلمه.

بصوت صلاح جاهين:

كان فيه قمر وكانه فخ الحمام..

على صغره دق شعاع وشق الغمام

انا كنت حاضر قلت له ينصرك...

اشحال عينوك وانت بدر التمام.

غناء:

يا عندليب ما تخافشى من غنوتك... قول شكوتك..

احكى على بلوتك الغنوة مش هاتموتكط انما...

كتم الغنا هو اللى هايموتك

(يتحول المشهد تلقائيا لفناء مدرسة. يقف مهمش 1 فى منتصف المسرح امام الرحم بينما يختفى مهمش 2 داخل الرحم استعدادا للدخول. الاطفال استعدادا لتحية العلم)

المدرس داخل بروازه العالى:

ولد اقف كويس.. كل المدرسة تمام.. عاوز نظام... ولا كلمة هناك.

الناظر: نشيد المدرسة... تحية العلم...

المدرس: واد يامهمش... يا نهار ك اسود. اية اللى انت لابسة دا.. دا انا هاطعك.

- 15 -

الناظر: خلاص بقى يا استاذ.. علشان خاطر ابوة.. حكم ضايع البهيجى دا اية... ايده تتلف فى حرير يوماتى على الله القمه الحتة بخمسة.. ويخليها جلاسية .,

المدرسة: واد يا مهمش.. ياله انجر على فصلك. انت واقف متتح كدة لية. شوفى يا ختى الواد.

امشى يا له انجر على فصلك. شوفى ياختى الواد. عندة كرامة قوى.

مهمش 1: طيب. ماشى اهو.

الناظر: طالع لابوه... اجلاسية ,

(يدخل مهمش 2 خلف مهمش 1 ليختفى مهمش 1

من المشهد داخل الرحم.)

الرجلان 1.2 معا: اجلاسية.....

رجل 1: مدرسة نموذجية...

رجل 2: ناظر حقانى... مثقف وتربوى.

رجل 1: مدرسة نموذجية. اااااااااه

الرجلان 1.2 معا: نيو لوك..... واو... يا جمالها.

رجل 1: بس انت مش شايف ان مهمش ما بقاش مهمش.

رجل 2: ابوة... باين عليه ناوى ع الجماعات اياهه.

رجل 1: عظيم... رائع..

الرجلان 1.2 معا: دا احنا هانشتغل شغل. اديلووا.

(المشهد داخل الفصل. المدرس بالبرواز)

المدرس: قيام. جلوس. اقعدوا... كله يطلع كتاب التاريخ. ولا كتاب التاريخ ليه.. ما لوش لازمة انتم معاكم التاريخ كله. يا حظكم. يا هناك.. يا سعدكم... طبعا ليكم الشرف كل الشرف والعظمة كل العظمة.. والرقى كل الرقى.. والديمقراطية.. والبيروقراطية.. والدكتاتورية والعفة.. انا واعوذ بالله من كلمة انا |... بروفيسور عارف.. عارف دى صبرى..

ثلاثة دكتوراة. دكتوراة فى الفلسفة... ودكتوراة فى عصب الدرس.. ودكتوراه فى التربية البيولوجية. ماجستير فى تاريخ العصر الحجرى الحديث. يعنى اللى قدامكم دا علامه. شخصية مش هينة مش بسيطة..

((يعيرنى العدا بسواد جلدى...))

((وببيض خصائلى يمحو السواد))

((واسمى الاصلانى بدا بعارف...))

((واسم الشهرة سمونى حمادا))

التلاميذ ضحكات مكتومة

المدرس: ودلوقتى يا ولاد. هاحكيلكم قصة تاريخية؟ قصة
طويلة. قصة الامير محمود والاميرة جهاد.

واصرخ باعلى صوتى وانادى.. انت فين يا جهاد.
انت فين يا جهاد.

بنت: انا هنا يا سلامة... سلامة انا هنا يا سلامة.

المدرس: سكوت.. هاحكيلكم حكاية قطز. سلطان مصر
العظيم اللى هزم التتار وجاب النصر لمصر.

قطز وببيرس... صديق عمره اللبانه
وطعنه.. طعنه وهو على كرسى العرش.

عارفين يا ولاد طعنه ليه... قوم انت قوللى.. ليه
ببيرس قتل قطز.

تلميذ: ببيرس قتل قطز.. علشان.. علشان... ايوة علشان
كان بحب لبنى عبد العزيز. قصدى سلامة.. لا لا
لا.. جهاد.

المدرس: اخرس.

مهمش 2: ببيرس مقتلشى قطز علشان جهاد.. ومحدث يقدر
يعرف هو قتله ليه وازاى؟

المدرس: ولد... مهمش.. انت بترد استاذك.. اقعد وما
تتطفش.

مهمش 2: قال لبنى عبد العزيز قال؟

المدرس: طيب قوللى انت يا فالح.... مين هو احمد عرابى؟

مهمش 2: احمد عرابى.. فى حد ما يعرفشى عرابى. احمد عرابى دا يا استاذ.. زعيم الفلاحين الشاقيانين. طالع من وسط الناس معجون وطنية.. كان واحد من المطحونين. زى.مش زيك.

المدرس: مطحونين.. انت بتخرف بتقول اية يا ولد. طبعاً يا ولاد ما تسمعوش كلامه.

احمد عرابى دا كان زعيم ابن زعيم... باشا ابن باشا. كان من اغنى اغنياء مصر. طالع من الطبقة العليا.

مهمش 2: لا والله.. هو صحيح ابوه كان شيخ بلد.. بس كان من المهمشين. الشقيانين.

المدرس: مهمشين... هو انت تعرف مين هما المهمشين... المهمشين دول هما اللى زيك...

بيصققوا وبس.. بيلوحوا وبس... وينحنوا... ويرقصوا. ويغنوا ويعملوا عجين الفلاحة كمان واما الزعما ولاد الزعما. يقفوا فوق اعالى العروش وينادوا:

ايها الاخوة المهمشين.... يا معشر الحرافيش.. يا

رجال الحرية... مفيش مفيش مفيش مفيش
جوع.. مفيش خوف... ومفيش اى حاجة فى اى
حاجة حاجة حاجة.

التلاميذ: برافووووووووووو.

الرجلان: يا جماله.....

رجل 1: استاذ متميز.. قارىء جيد للتاريخ.

رجل 2: رجل عظيم... يقدم لتلاميذة كل ما لديه..

- 17 -

رجل 1: دى اللعبة احوت قوى..

رجل 2: دا احنا هانعيش..... اديلوا

رجل 1: ادى

رجل 2: اديلوا.....

رجل 1: ادسى..

مهمش 2: كان فيه زمان سحليه طولها فرسخين...

كهفين عيونها وخشمها بربخين

ماتت لكين الرعب لم عمره مات...

مع ان فات بدل التاريخ تاريخين

المدرس: ولد اخرس... انت لية بدرى عليك... لسه الزمان
ما اكلشى من عضمك.. لساك صغير
دنياك رقيقة... دنيانا دى يا بنى نوعين من
البشر... ناس زعما... وناس مهمشين

ناس ولاد ناس... وناس مهماش ناس... المهم
تعرف انت مين فيهم؟ المهم تعرف انت فين؟

مهمش 2: يا رتنى عارف. انا مين ولا فين؟ بس كل اللى
اعرفه.. ان احمد عرابى كان زعيم الفلاحين
طالع من وسط الارض وانه هو اللى وقف تحت
شرفه الخديوى وقاله:

لقد ولدتنا امهاتنا احرارا...

المدرس: اخرس... روح يا مهمش.. روح يا بنى.. اطلع م
الفصل. للمرة العاشرة باقولها لك..

الموجة اكبر مننا... لقمة العيش مرة.. بلدهم
يابنى وهم احرار فيها.. اطلع م الفصل

ومتورنيش وشك تانى... شوف لك دور فى الدنيا
العبه... اطلع يا بنى ومتعديش ع الناظر

مهمش 2: طالع يا استاذ بس قوللى... انا مين؟؟؟ انا ابقى
مين؟؟؟

بصوت صلاح جاهين:

يا باب ايا مققول امتى الدخول..

صبرت يامه واللى يصبر ينول

دقيت سنسن والرد يرجع لى مين...

لو كنت عارف مين انا كنت اقول

مهمش 2: لو كنت عارف مين انا؟ كنت اقول؟؟ ايوة انا مين؟
وايه الدور اللى لازم العبه؟

انا مين؟ أنا مين؟ ايوة انا قطز؟؟ هاهزم
التتار.. لا بيبرس ومش هاقفل قطز...

لا عرابى... ايوة عرابى.. هاركب صهوة
جوادى... أقف تحت شرفة الخديوى واقول:

صوت خارجى:

(يتحول المدرس الى الخديوى داخل البرواز):

إن للشعب مطالب اخرى وتلك مطالب الشعب والأمة

المدرس فى هيئة الخديوى:

لقد ورثت الملك عن آبائى واجدادى... وإن انتم
إلا عبيد احساناتنا.

صوت خارجى:

لقد ولدتنا امهاتنا احرارا.. ووالله الذى لا إله الا هو لن نستعبد
ولن نورث بعد اليوم

(يتحول المشهد الى مشهد تحقيق لنرى مهمش 1 , مهمش
2 معا. متلاحمين فى منتصف المسرح امام الرحم.. ويوجد
على طرفى المسرح إثنان من الرجال يطرقان السندال
وكأنهما حدادان يصنعان بدقاتهم ايقاع المشهد. يظهر فى
البرواز العالى المحقق من خلف المدرس ليختفى المدرس)

المحقق: اخرس... انطق... اسمك وسنك وعنوانك؟

مهمش 1: اسمى اسمى.

مهمش 2: مهمش ضايع متعوس على عينه.

مهمش 1: بس امى كانت بتقولى يا حلم...

مهمش 2: وابوية كان بيقوللى يا وطن..

المحقق: وطن... حلم... انت هاتستهبل يا روح امك؟ سنك؟

بصوت صلاح جاهين:

انا شاب لكن عمرى ولا الف عام.....

وحيد ولكن بين ضلوعى زحام

خايف ولكن خوفى منى انا....

أخرس ولكن قلبى مليون كلام

مهمش 1: خمس سنين.

مهمش 2: عشرين سنة... مروا عليه اسود م الليل الغطيس.

(المحقق يشير الى الحدادين ليبدء فى الطرق بقوة.)

المحقق: بترفع ايدك ليه يا سى مهمش... بتهتف لمين.

مهمش 1, 2 معا: خطر فى بالى انى...

المحقق: خطر فى بالك.. انك تبقى... اكتب عندك.. خطر فى

باله انه يبقى...؟

وخطر فى بالك انك تبقى اية إن شاء الله... انطق
قول.

مهمش 1: ضاعت منى اللعبة.

مهمش 2: كنت بادور علحدور العبه.

المحقق: كمان كنت بتدور ! انطق !. تبع مين فيهم؟

مهمش 2: تبع مين يعنى اية؟

المحقق: انت هاتستهبل... تبع مين؟ يعنى تبع مين؟

مهمش 2: انا مش تبع حد. لانى مش زى حد و لا احب اكون
زى حد.

المحقق: انت هاتنطق ولا لا.. اكتب عندك.... خطر فى باله
وبيدور... دى لوحدها توديك ورا الشمس.. انطق
بقى.. انطق بالزوق بدل ما اخليك تنطق
بالعافية...؟

(يبدأ الحدادان فى جذب الطفل مهمش 1. بما يوحى بتعذيبه
وقتل براءته بداخله)

مهمش 2: انطق اقول اية؟

المحقق: انت مين فيهم؟؟؟ انت ايه؟

بصوت صلاح جاهين:
 سهير ليالى ويامه لفيت وطفت...
 وف ليلة راجع فى الضلام قمت شفت
 الخوف كانه كلب سد الطريق...
 وكنت عاوز اقتله بس خفت
 مهمش 1: (باكيا): حلمه نانا... حلمه تاتا...
 المحقق: اية سكت ليه؟ اكتب عندك. يمين.
 مهمش 2: لا.
 المحقق: يبقى شمال.
 مهمش 2: لا.
 المحقق: فوق.
 مهمش 2: لا.
 المحقق: تبقى تحت.
 مهمش 2: والله لأ؟
 المحقق: امال ايه؟
 مهمش 2: انا مهمش ضايع متعوس. واحد من وسط الناس.
 شاب زى اى شاب فى اى حته. لسه مش عارف
 ابقى مين ولا اية. ولا حتى فين؟

المحقق: ياااااااااه. بص يا مهمش. بص يابنى. انت باين عليك
طيب. باين عليك مش تبع اى حاجة فى اى
حاجة. علشان كده يا بنى انا هاحكيلك حكاية
صغيرة. تحطها حلقة فى ودنك.

كان فيه زمان يابنى حاكم عظيم.. عظيم قوى.
وكان له قصر كبير كبير قوى. القصر كان له
سور طويل. وفى يوم من الايام دخلت عليه
الحراس وقالت له:

الحق يا مولانا. الشاب دا كان بيحوم حوالين
سور القصر. الشاب كان اسمه الشاطر حسن.

ولما ساله السلطان عن سر وجوده جنب سور
القصر قاله: انه حلم حلم فظيع.. خطر كبير وانه
كان جاى يحذر. عارف الشاطر حسن كان بيحلم
بايه؟؟?: كان بيحلم ان الجراد جاى البلد.

وهياكل كل شىء اخضر ويبلع كل خير. عارف
الوالى لما سمع الكلام دا عمله ايه؟

مهمش: اكيد خلاه وزير المقرب.

المحقق: لا.. عدمه... علقه على باب القصر... عارف
عدمه ليه. مش هاقولك. بس كل اللى هاقولها لك.
انك تروح.. روح يابنى. بس ماتورنيش وشك
تانى.. التيار شديد. لقمة العيش مرة. شوف لك

دور فى الدنيا العبه. على فكرة انا نفسى ارجع
صغير زيك. يمكن كنت اختار دور غير دورى.
روح يا مهمش بس خليك فاكـر. اياك تفكر ولا
حتى يخطر فى بالك انك تبقى.

المحقق: روح واحمد ربنا انى سيبتك. اكتب عندك: يخلى
سبيله لكونها المرة الاولى اللى بيفكر فيها انه
يبقى؟.

مهمش 2: (سارحا):

على رجلى دم نظرت له ما احتملت...

على ايدى دم سالت ليه لم وصلت

على كتفى دم وحتى على راسى دم....

انا كلى دم قتلت ولا انتقتلت؟؟

غناء:

إقلع غمأك يا طور وارفض تلف....

إكسر تروس الساقيه اشتتم وتلف

قال بس خطوة وخطوة كمان...

يا أوصل لآخر السكة يا البير يجف

الرجلان 1,2 معا: يا نهار اسود..

رجل 1: الم اقل لك؟ لا تتركه يغيب عن نظرك. ماذا نفعل الآن؟ هاعمل اية دلوقتي؟

رجل 2: والله العظيم هي لحظة واحدة. خمس دقائق بس؟ مش عارف غاب عنى ازاي؟

رجل 1: خمس دقائق. خمسة بحالهم... طب قوللى العمل ايه دلوقتي؟ هنتنيل نكتب ايه؟

رجل 2: مهو لازم نكتب.. ضرورى نكتب.

(ينظران لبعضهما البعض ثم للجمهور)

الرجلان معا: هل تفكر فيما افكر فيه؟؟؟

رجل 2: فكرة رائعة...

رجل 1: هو دا..

الرجلان معا: انزل.... انزل..؟

رجل 1 (لاحد المشاهدين): هل رايت سيدى؟ انتم داخل المنزل؟

رجل 2: طيب قول انت؟ ها مهمش راح فين..؟

رجل 1: طيب قول انت.

رجل 2: طيب انت؟ مهمش فين يا جماعة. راح فين.

الرجلان معا: هو دا مفيش غير... (لاحد اعضاء لجنة التحكيم ويجلسان امام قدميه)

رجل 1: نرجوك يا سيدى. لو سمحت.
رجل 2: والنبي يا بيه... ما شفتش مهمش. متعرفشى راح
فين.

رجل 1: الهى ربنا يكرم وما يوقعك فى ضيقة؟
الرجلان معا: الهى وانت جاهى. نشوفك مسئؤل كبير..
والنبي يا بيه؟

رجل 1: ها شفت ايه؟ قول ماتخافشى.
رجل 2: ما انتش عاور تتكلم.. طيب.
رجل 1: وهانعمل اية دلوقتى؟ مفيش حد عاوز يتكلم. كده
اكتب عندك:

((الجالسون جميعا يخافون الكلام... الجميع خايف
يتكلم))

رجل 2: طب ومهمش؟؟؟
رجل 1: اما مهمش.. فقد كان فاقدا للوعى للحظات....
رجل 2: عظيم هو دا..
الرجلان كل منهم للآخر: هو دا... يا جمالناaaaaaaaa.
(يتجزأ مهمش الى ثلاثة مهمش 1, مهمش 2, مهمش 3)

(يظهر داخل البراويز العديد من الشخصيات

الام والاب والجد)

الام : مانتش يتلعب ليه يا روح بابا... ولا عسكرى ولا
لص فى عصابة.

العب اسد... اوديب رهيب او غزاله... دى الدنيا
فى نهاية المطاف غابة ما انتش بتلعب ليه يا
روح بابا..

مهمش 1,2,3 معا: العب..

مهمش 2: العب دا اية يا امه؟ ما عدش فى لعب... دى الدنيا
خلاص..

مهمش 3: طلعت واسعة قوى.. غابة كبيرة كبير قوى.

مهمش 1: وانا لسه.. لسه نبت صغير.

مهمش 1,2,3 معا: ارنب جبان مرعوب.

مهمش 2 , 3 معا: اسد اسد دا ايه يامه.

مهمش 1,2,3 معا: يا ريتنى حتى اكون غزال.

الام: مانتش يتلعب ليه يا روح بابا.

مهمش 3: سببى يا مه. مش هاقدر أكون اى حاجة.

الاب:

ولدى... ولدى نصحتك لما صوتى انتبح...

ما تخافشى من جنى ولا من شبح.

وان فات عليك عفريت قتيل أساله....

ما دافعشى ليه عن نفسه يوم ما اندبح

مهمش 1,2,3 معا: يااااااه.. ياه يا به..

مهمش 2: دا انا خلاص خلاص اندبحت.

مهمش 3: دامى سال.

مهمش 2: الياس اتملكنى.

مهمش 1: والرعب سكن عروقى.

مهمش 1,2,3 معا: خلاص يأس.

الاب:

ياسك وصبرك بين اديك وانت حر....

تياس ما تياس الحياة راح تمر.

انا دقت من دا ومن دا كمان....

لقيت الصبر مر. وبرضك اليأس مر

لقيت الصبر مر. وبرضك اليأس مر

مهمش 3: سيبنى سيبنى يابه. سيبنى ادور فى الدنيا والف.
مهمش 2: موجة تشيلنى وموجة تحطنى.
مهمش 1,2,3 معا : وانا هاوعدك.. مش هابقى.. ولا حتى
هاكون. بس سيبنى.

الجد:

هى كدة عيله على عينه.. عمرهم ما بيسمعوا
الكلام... عمرهم ما بيحترموا الكبير.
يا بنى اسمعنى.. طرطق ودنك.. طرطق كمان:
قالوا الشياشة مهلكة بشكل عام... وبحورها يا
بنى خشنة مش ريش نعام
غوص فيها تلقى الغرافتين كلهم... شايلين غنايم
والخفيف اللى عام اصلب طولك...

مهمش 3: يا جدى ارحمنى.

مهمش 1,2,3 معا : هو انا ناقص.

الام: مانتش يتلعب ليه يا روح بابا.

الاب:

احلم يا بنى زى ما تحلم. بس حلم على قدك. الدنيا
رمتنى تحت رجلين ناس كتير.

شفت جزم اشكال والوان. فى جزمه تتمنى
تبوس رجل صاحبها.. وجزمه ما تطقش رحيتها
والغريب لاتنين بيترموا فى وشك؟. احلم يا بنى
بس على قد الصندوق دا. احلم يا مهمش على قد
الصندوق دا.

الام: مانتش يتلعب ليه يا روح بابا.

مهمش 1,2,3 معا: يا ناس يا هو... حد يقولى حد يفهمنى..

مهمش 2: اية اللى ينفع وايه اللى ما ينفعش.

مهمش 3: فين الصح وفيين الغلط.

مهمش 1,2,3 معا: قولولى يا ناس.

الاب: انا دقت من دا ومن دا كمان.... لقيت الصبر مر.
وبرضك اليأس مر

مهمش 1,2,3 معا: قوليلى انت يامه؟

الام: لعب اسد... اوديب رهيب او غزاله... دى الدنيا فى
نهاية المطاف غابة

مهمش 1,2,3 معا: (فى تداخل) يا ناس يا هو... حد
يقولى.. حد يفهمنى.. فين الصح.....

الجد: قالوا الشياشة.

(يتصاعد المشهد الى زروته)

غناء:

مهبوش بخربوش الالم والضياع....

قلبي يا منزعج م الضلوع انتزع.

يا مرايتي ياللي بترسمي ضحكتي...

يا هل ترى دا وش ولا قناع.

رجل 1: الله الله.. عظيم... عظيم..

رجل 2: ماذا تقصد؟

رجل 1: اقصد ان كلهم مشيوا فى الطريق الصح. الاب
نصح. والام نفسها.. والجد.. مش فاهم.

رجل 2: ومهمش.. ماذا اكتب عنه الآن؟؟؟

رجل 1: اكتب عندك؟ بدأ مهمش ينظر لنفسه فى المرأة...؟

رجل 2: تقصد ايه؟

رجل 1 : انت فاهمنى.. شيزو فرانيا مبكرة.. تردد واضح..
انكسار فى الذات يتبعه ممارسات شاذة.

رجل 2: واحنا اية اللى هانستفيدة؟ احنا عاوزين نكتب حاجة
صح. ولا ايه؟

رجل 1: اصبر دا اللى جاى احلى؟

رجل 2: طيب ادينا صابرين.



(يبدأ المشهد لنرى مهمش 2 فقط في وسط المسرح يفكر وتظهر في البرواز ورد بنت الجيران)

مهمش 2: ورد... یاااه یا ورد.

الرجلان معا: واو... يا جمالهم...

مهمش 2: ضایع یا ورد.. تایه متشرد مش عارف ابقی ایه
ولا مین؟

الرجالان معا: خلینا نعلشها... رائع هو دا... اديلوا ۱.

من بين شقوق الشيش وشقشقت لك.

61

نهار جديد انا قوم نشوف نعمل ايه...

انا قلت يا ح تقتلنى يا ح أقتلك.

مهمش 2: ياه يا ورد..

صوتك يا بنت الايه كانه بدن...

يرقص يزريح الهم يحى الشجن

يا حلوتى وبدنك كانه كلام....

كلام فلاسفة سكرُوا نسيوا الزمن.

وردة: وطن؟ بحبك بجد. ونفسى اسمعها منك؟ عشت سنين

طويلة بقولها لك من ورا الشيش.

وانت لا بتسال ولا تعبر.

مهمش 2:

يا وردة قلبى معاكى فى الريح لعب...

لا تعبتى م الريح ولا قلبى تعب

احنا كدة نرتاح فى صخب الجنون...

وفى السكون بنخاف قوى ونرتعب

وردة:

ايش تطلبى يا نفس فوق كل دا.

قلبك بيضحك والنت متتكدة

ردت قالت لى النفس قول للبشر...

ما يبصوليش بعيون حزينه كده
سيبها على الله... بلاش تشيل الهم. ربنا هيعدلها..
ياللى بقى قلها لى:دى حتة كلمة

مهمش 2:

قابلتني كلمة من كلام الورق..

النور شرق من بين حروفها وبرق
حبيت اشيها في قلبي قالت حرام...

دا كل قلب دخلت فيه اتحرق.
بحبك يا ورد... بحبك بس خايف؟؟؟ قلبي
الصغير لسه ما عرفش الطريق. لسانى واقف في
محطة زحام.. لسانى متغرب..

وردة: بكرة تتعدل... بس قولى خايف من أيه؟

مهمش 2:

ورا كل شباك الف عين مفتوحين...

وانا وانت ماشين يا غرامى الحزين
ان التصقنا نموت بضربة حجر.....
وان افترقنا نموت متشوقين

وردة: ولا يهملك... اعمل اللي عليك وبس.. روح لابويه
وقوله.. احكيه على ظروفك واحلامك اللي
جاية...

مهمش 2: يا وردة ازاي؟ انا فين وانتو فين؟ انتوا فوق واحنا
تحت؟ انتو فى العالى واحنا منعرفشى هنبقى
فين؟

وردة: خد خطوة يا مهمش. ارجوك.. روح لابوية وقوله.
مهمش 2: حاضر يا ورد... هاروح له... وانا بقى يا هو...
اكون انا المحبوب او لا اكون.

وردة: طب يا لا غنى معاية...
الاثنان معا: وارجع واقول... ارجع واقول... لسه الطيور
بتفن.....

بصوت صلاح جاهين:
نسمة ربيع لكن بتكوى الوشوش...
طيور جميلة بس من غير عشوش
قلوب بتخفق انما وحدها...

هى الحياة كلها.. كدة فى الفاشوش.
(يعود المشهد الى البرايز التى بها الاب والام والوالد
وصديق مهمش ووردة)

الاب: نعم يا مهمش... عاوز تتجوز... تتجوز يا بنى؟

مهمش 1: با با... با با...

الام: ايوة حلم... هاسميه حلم. حلم مزقزق

مهمش 1: ماما.. ماما... اسمى اية؟ انا اسمى اية؟

الجد:

حدوته عن جعران وعن خنفسة...

اتقابلوا حبوا بعض شاعة مشا

ولا قال لهم حد اختشوا عيب حرام...

ولا حد قال دى علاقة مدنشة

مهمش 2: وفيها ايه. الحب مش عيب؟ احلى ما فيها العشق
والمعشقة.

الام : حلم صغير.. اشوفه بيكبر... اشوفه بيتحقق.

الاب: هو انا قادر على علامك؟ دا انا ظهري انحنى من
خوفى عليك؟ ارحمنى... ارحمن يا بنى.

مهمش 3: حاضر حاضر يابة. مش هابقى ولا حتى هافكر.

الام : علشان عيونك يا صغير هويت.... حتى ديدان
الارض والاغربة.

مهمش 1: بابا.. انا خايف... هو احنا ليه مهمشين... احنا ليه فقرا.

وردة: اتحرك يا وطن... اعمل حاجه... روح لابويه وقوله.
مهمش 2: هاموت يا ناس بحبها... عمرى ما امنيت ابقى فوق قبل النهار ده.

صديق مهمش: انت عبيط يا بنى... هو اللى زيينا محتاج جواز... ما الدنيا جميله. تجيب لنفسك وجع الدماغ ليه. قضيتها.

مهمش 1: لا ماليش دعوة... اسم وطن احلى.

مهمش 3: انا اللى بالامر المحال اغتوى...

الجد: وصيتى ليك يا ضايع... كتروا العيلة... كتروها...

الام: وماله يا خويه.. ما يتجوز؟؟

صديق مهمش: كل زمايلنا خلاص رفضوا الفكرة. شالوها من دماغهم. عديها.

مهمش 1, 2, 3 معا:

انا اللى بالامر المحال اغتوى...

شفت القمر نطيت لفوق فى الهوى

طلته ما طلتنوش ايه انا يهمنى..

ما دام بالنشوى قلبى ارتوى

الاب: انت حر.. انت حر يا بنى... روح لوحذك... انت
لوحذك... لا انا ولا امك هنبقى معاك؟
((تتداخل الاصوات جميعها.))

غناء:

انا اللي بالامر المحال اغتوى...
شفت القمر نطيت لفوق فى الهوى
طلته ما طللتوش ايه انا يهمنى..
ما دام بالنشوى قلبى ارتوى

الرجلان 1.2 معا: وعجببسى؟
رجل 2: عجيب قوى مهمش دا.
رجل 1: مش قلت لك اللي جاى احلى.
رجل 2: وله نفس يحب.. ويعشق... ويتجوز كمان. وبعدين
بقى فى الورطة دى.
رجل 1: بسيطة اكتب عندك... حب افلاطونى.. يعقبه الندم.
رجل 2: ندم كبير.. كبير جدا. بالمناسبة هو افلاطونى يعنى
اية؟
رجل 1: ها... افلاطونى يا جتهل يعنى... آه يعنى... والله ما
انا عارف.

الرجلان معا (للجمهور): حب افلاطونى.. يعنى حب افلاطونى.

رجل 2: وهى دى جريمة...؟

رجل 1: طبعا.. جريمة... وجريمة الجرايم كمان. ازاي واحد
من المهمشين يفكر ولا يخطر فى باله انه

يحب. لا وايه؟ افلاطونى... افلاطونى يا استاذ..
افلاطونى يا حضرات.

الرجلان: آآآآآآه... بزمتكم دا ينفع.

الرجلان معا: ليس لنا شان... مهمتنا ان نكتب... نكتب
فقط... زوجان...

((المشهد فى فيلا نايف بيه العليانى. يظهر نايف بيه باعلى
اسطوانه. على كرسى دوار ضخم لا يظهر منه الا يده ممسكا
بسيجارته. وعلى اسطوانه اقل البودى جارد ثم ادريس.
مهمش 2 فقط)).

البودى جارد: نايف بيه.. صباح الخير.

يشير نايف بيه بيده

البودى جارد: ايوة يا فندم.. جبت لحضرتك كل المعلومات
المطلوبة.

يشير نايف بيه بيده

البودى جارد: الاسم مهمش ضايح متعوس على عينه.
 عشرين سنه. مش متجوز. فقير معدم الوحيد
 لايوه وامه. هو صحيح مخه زى الالماظ بس
 معندوش ولا تعريفه. تقدر تقول سعادتك انه من
 معدومى الدخل... قابل الست الهانم وردة هانم
 مرتين. مرة فى الكافتريا. ومرة من شباك
 سعادتها. وهما فى الكافتريا. شربوا اتنين عصير
 جزر. وهو كان قبلها واكل شقتين فول ومحلى
 بعسالية. من عشر دقائق يا فندم وهو دا عين
 المهم. كان بيلبس وشكله ناوى بيحى لسعادتك.
 لان وردة هانم كانت بتقوله انه لازم يعمل
 حاجة. يعنى يا فندم هو على وصول. زمانه
 واقف على باب الفيلا، ووفقا للاسس
 السيكلوجية. والسريالية والتكعيبية. هيفكر
 يرجع... بس هيقايس ويضرب الجرس مرتين.

((مهمش يضرب الجرس مرتين))

يذهب ادريس لفتح الباب))

ادريس: اعوذ بالله من الشيطان الرجيم. يا فتاح يا عليم.. يا
 رزاق يا كريم. من البارد الآتى؟

نعم... علوز اية. وبتاع اية؟ وابصر اية؟ ومدرک
 اية؟ وبتضربه ليه؟ هو كان عمك اية؟

مهمش 2: هو مين؟

ادريس: الجرس يا بنى آدم... هتضربه ليه. هو مفيش رحمة خالص. يا ساتر عليك؟ عاوز ايه؟

مهمش 2: نايف بيه؟

ادريس: نايف بيه.. كدة مرة واحد. وعاوزة لية؟ وبتاع اية؟ وابصر اية؟ ومدرك اية؟ ونقوله مين.

مهمش 2: قوله مهمش.. مهمش بيه.

ادريس: وتطلع مين يا سى مهمش. فى مجابلة ميعاد سابق. فى جدول المقابلات والسلطات والطحينات؟.

مهمش 2: لأ بس انا عاوزه ضرورى. قوله مهمش بيه؟

ادريس: بية.. حاضر يا سعادته البية.. (يخرج موبايل من جيبه):

الو... فواكه... ازيك يا فواكه.. مشاجين جوى جوى يا دمى... فواكه. ز نايف بيه موجود يا فواكه. طيب طيب. يا دمى.

(يخرج موبايل آخر): ايوه يا سعادته البية... وصل يا فندم. هندخله حالا... طيب طيب.

اتفضل ياسى مهمش.

البودى جارد: وصل يا فندم. تعالى يا سى مهمش.



مهمش 2: (مندھشا) صوت خارجی:

جالک اوان ووقفت موقف وجود..

یا تجود بدا یا قلبی یا بدا تجود

ما حد یقدر یبقی علی کل شیء...

مع ان عجبی کل شیء موجود

حضرتك نايف بيه؟

البودی جارد وادریس: هو انت تعرف نايف بية.

نايف: سیبوه... تعالیٰ. محدش یقربله.. انا عاوزہ سلیم..

سلیم.. تعالیٰ یا ولد.. یا مرحب یا مرحب انا

بقی یا سیدی نايف بيه.. وانت بقی. جناب سعادة

سیادتک تبقى مین.

مهمش 2: انا یا عمی...

نايف: عمک؟ عمی الدبب. انت مین یا ولد علشان تقولی یا

عمی. اخرج برة بیتى خرج بره

مهمش 2: یا عمی انا.

نايف: اخرس. طبعاً هاتقولى. مهمش. وضایع ومتعوس

ومتنیل علی عینک. اخلص عاوز ایه؟

مهمش 2: اصل انا وورد.



نايف: وردة هانم يا ولد... انت مش عارف انت بتكلم مين. انا
نايف بيه اكبر مصدر طاقة بشريه مهربية قصدى
مدربة لايطاليا والدول المتقدمة. وانت وبنت اية
بقى يا سيدى.

مهمش 2: بصراحة كدة بحبها وهى بتحبنى. وجاى طالب
القرب منك؟ وجاى بقى يا عمى اكون او لا
اكون؟

نايف: طيب قولى يا سى هاملت... انت تملك اية؟ حيلتك اية؟
وظيفتك؟ املاكك؟ تطيانك عزبك؟ انت ايه؟

مهمش 2:

انا اللى بالامر المحال اغتوى...

شفت القمر نطيت لفوق فى الهوى

نايف: اخرس.. هتتجوز بنتى.. هاتأكلها شعر. هتلبسها شعر.
اخرج برة بيتى يا ولد.. اخرج برة
خرجوه.. خرجوه.. خرجوه...

وردة: مهمش.. ماتسبنيش يا مهمش.. ماتسبنيش يا وطن.

مهمش 2: خلاص يا ورد... احنا مش زى بعض... انتم فوق
واحنا تحت.

((تعلوا اصوات خارجية لابوه وامه صديقه))

غناء:

اهوى الهوى وهمس الهوى فى العيون.
وبسمة المغرم ودمعة الحنون
وزلزلات الحب نهّد الصبا...

اكون انا المحبوب او لا اكون

رجل 1: رائع.. اكون او لا اكون؟ تلك هى المشكله؟

رجل 2: be or not to be this is the problem ?

الرجلان معا: هو دا وصلنا؟ وطبعاً لانه مش عارف يكون اية
ولا مين؟ يبقى هيغلط.

رجل 1: وساعتها. يبقى وصلنا.

رجل 2: وصلنا لاية؟

رجل 1: لللى احنا عاوزينه يا جاهل وبسرعة جدا. اكتب
عندك. بدأ مهمش مرحلة الضياع المؤكد.

رجل 2: ضياع مؤكد. بس انت لاحظت اللي انا لاحظته.

رجل 1: ايوه انا حسيت انه بقى ثلاثة. ويصرّاحه مش عارف
ابقى مع مين؟

رجل 2: عظيم تلك هة المشكلة؟

الرجلان معا: واووووووو يا جماله.

((المشهد براوويز عديدة: انماط مختلفة من الشباب. يمتهنون
مهن مختلفة الجميع يصنعون ايقاع المشهد على عبارة: اكون
او لا اكون. باداء اوبرالى متناغم وكانهم كورال ضخم يؤدى
العبارة))

يبدأ المشهد بايقاعات صوتيه هادئة.يجلس مهمش 2, 3 في
مواجهة بعضهما البعض

الممثلون: نكون او لا نكون؟ نكون او لا نكون.

آخرون: be or not to be this is the problem ?
((يعلو الايقاع ويزداد الصخب))

مهمش 2, 3. معا: اكون او لا اكون؟ تلك هى المشكلة.

((يتحول الايقاع على عبارة اكون او لا اكون بما يوحى بانها
موسيقى لسلام جمهورى))

ممثّل قاطعا البرواز: بربع جنيه يا منديل.... ياالله المنديل بربع
جنيه يا معطر يا منديل... منديل يا بيه منديل يا
استاذ... بربع جنيه يا منديل.

الممثلون: نكون او لا نكون؟ نكون او لا نكون.

آخرون: be or not to be this is the problem ?

ممثّل 2: طب صلى ع النبى يا خوانا. صلى ع النبى...

((يصمت الايقاع لحظة... ثم يعود مرة اخرى بما يوحى باننا
فى قطار))

: السفنتى دا يا اخوانا.. لا بجنى عشرة ولا
عشرون.. ولا ثلاثون. السفنتى دا. بجنى
خمسون يا لا يا جدعان... حد قال سفنتى...

الممثلون: نكون او لا نكون؟ نكون او لا نكون.

آخرون: be or not to be this is the problem ?

((يتحول الايقاع على عبارة اكون او لا اكون بما يوحى بانها
موسيقى عاطفية رومانسية))

بنت: فل يا بية.. ورد يا باشا.. احلى عقد لاجل هانم. هتكسف
ابدى يا بيه. ورد يا بية

ممثلى آخر: اى حديد.. قديم المونيا قديمة غسالات قديمة.
حريم قديمة للبيهة ,

الممثلون: نكون او لا نكون؟ نكون او لا نكون.

آخرون: be or not to be this is the problem ?

((يتحول الايقاع على عبارة اكون او لا اكون بما يوحى بانها
موسيقى بشارع))

ممثل: ايس كريم... كلك لك.. ز ايس كريم كلك لك.

الممثلون: نكون او لا نكون؟ نكون او لا نكون.

آخرون: be or not to be this is the problem ?

((يتحول الايقاع على عبارة اكون او لا اكون بما يوحي بانها
موسيقى داخل سيرك))

مهمش 2 , 3: تلك هى المشكلة؟

ممثل : قرب قرب قرب قرب قرب.. انا البلياتشو.. شوف
البلياتشو.. انا بلياتشو بس حزين من جواية
اصل الحزن هو اساي. مرشوش بفرش
صناعية... رش يخبي حتى عنيه... احمر اخصر
ابيض واصفر. مش زى الالوان الثانية.. يوم
ابقى حمامة ويوم سحليه. انا باتشقلب واتنطط
على مسرح واحد. وبقفل لما باخلص. مسرح
مش زى الدنيا. كل الجمهور راح يضحك بس
عليه. مع انى مش على طول بلياتشو... قرب
قرب شوف البلياتشو..

الممثلون: نكون او لا نكون؟ نكون او لا نكون.

آخرون: be or not to be this is the problem ?

((يتحول الايقاع على عبارة اكون او لا اكون بما يوحي بانها
داخل مولد))

مهمش 2,3: be or not to be this is the problem

المنشد:

اكون انا المحبوب او لا اكون...

وتلك ورى مشكلة المشاكل.

مذیعة (داخل برواز): اعزائی المشاهدين انتم على موعد مع برنامجكم... شبابنا فى خير.

((يعلو الايقاع ويزداد الصخب

يدور مهمش 3 فى ضیاع)))

مهمش 3 لرجل المولد: لو سمحت ممكن اشتغل معاك. هالف الموالد. اى شغلانه.

المنشد: هوب... مش نافع.. هوب.. روح روح.. هوب

مهمش 3 للبلياتشو: طب خونى معاكم.. انا بلياتشو.

مهمش 2: اكون او لا اكون؟

البلياتشو: مش نافع... هوب.. بلياتشو.. هوب.

مهمش 2: be or not to be

مهمش 3: فل يا بيه.

البننت: زفت يا هانم.



مهمش3: طب صلى ع النبي يا فندى...

الجميع: مش نافع هوب روح روح.. هوب. يا سفتنى. هوب

مهمش 2, 3,: يا ناس ,,, حد يقولى اعمل اية...؟

الجميع: مش نافع... روح روح...

المذبة: اعزائى المشاهدين.. كنت على موعد مع برنامجكم
الرائع: (الاتوبيس هايفوتك))

تتداخل الاصوات بارتفاع.. يعلو صوت
مهمش... 2,3 ف انهيار تام.

ممثل: اى حاجة قديمة المونيا قديمة ادمغة قديمة. بنى آدمين
قديمة للبيعة.

ممثل باداء حسن البارودى: تعالى يا مهمش.. تعالى يا بنى..
تعالى ما تخافشى.. انا هاجوزك هنومة يا بنى..
تعالى يا عريس.. البس قميص فرحك. هسافرك
ايطاليا. وهشونك فى زورق. بس اياك تاكل على
الحلاوة. والله ما اتنازل عن نص فدان وجاموسة.

ممثل باداء زكى رستم:

مهمش.الدقيقة بتغير مصير امم.. بلاش تضيع
وقتى ووقتك؟ انا قررت لمصلحتى ومصلحتك
ناجل موضوع وظيفتك لبعد الانتخابات. اما
موضوع هانى قصى فلوسك فانا باشكر كل

الشكر. لانك قدمت لى خدمة جليلة. الشنطة يا نوال.

ممثّل بأداء عادل ادهم:

مهمش. تعالى الكلاب صوتها على.. خليك معانا.
مهو لو ما بقتشى معانا. مش هاتنحل مشاكلك.
وبكره الصبح هتبقى ارملة. يا قطة. معانا
عتلاقى العروسة والوظيفة والدين يا قطة.
والراجل المحترم. لما يحب يستريح يترمى فى
جضن الجماعة. مش فى جضن واحد غريب..
يا قطة.

ممثّل بأداء محمود المليحى:

مهمش انتوا مين؟ احنا اللي رفضنا القمة
المتغمسة بتراب الميرى. فى ثورة تسعناشر كنا
رجاله ووقفنا وقفة رجاله. سفينا التراب بلعنا
الزلط وخلصنا حديد الزراعة. لا خوفنا ولا
اتهزينا. كنا رجالة ووقفنا وقفة رجاله.

مهمش 3: يا ناس قولولى ,, فين الصح وفين الغلط؟ ايه اللي
ينفع وايه اللي ما ينفعشى. يا ناس.

صوت صلاح جاهين: يصاحبه الغناء:
 علقت فى المسمار قناع مهزلة..
 ومعه قناع ماساة بحزنة ابتلى
 بصيت لقينتهم يشبهوا بعضهم...
 وهو دا العجب يا ولاد والا فلا.
 الرجلان 1, 2: برافو هو دا رائع...
 رجل 1: قالها أخيراً...
 رجل 2: عظيم... بس دا معناه اية يا خفيف.
 رجل 1: معناه ان الدنيا باظت مع صاحبنا. ومش عارف
 حتى يبقى بين البينين؟ وتلك بقى قمة المشكلة.
 رجل 2: يا بنى الايه.. دا انت واد حوافريت. بس برضو
 يعنى ايه؟
 رجل 1: عارف لما الواحد يرقص ع السلم... او يقف حافى
 على سيف مسنون. يبقى بقى يا صديقى
 هيكون بقى ولا مش هايكون؟.
 رجل 2: يا خبر بفلوس
 رجل 1: بكرة يبقى بلاش.

((المشهد مهمش 2 : 3 فقط))

مهمش 2, 3 معا: أكون يا ترى ام لا أكون؟ هذا هو السؤال.

مهمش 3: هل من الاشرف للانسان ان يكابد السهام والنبال. عندما ترمى بها اقداره الرعناء

مهمش 2: ام يحمل السلاح فى موج بحر هائج من المتاعب.

مهمش 2, 3 معا: تلك ذروة ما اجدر النسان ان يطلبها ...

مهمش 2, 3 بالتتابع: موت هو الرقاد؟

مهمش 2, 3 معا: أكون او لا أكون؟

مهمش 3 مواجهها 2: هل ترانى قادرا على تحمل الشياط من يد الزمان. فى ظلم كل ظالم، وكل من يعرفون الخد فى صلافة. ولذعة الصدود للمحب او تباطؤ العدالة.

مهمش 2: انها الأهانات. التى يلاقيها الكريم صابرا على يد اللثيم.

مهمش 2, 3 معا: هل استطيع حسم هذا الامر بالخنجر. من ذا الذى يروم حمل اثقال الحياة المضنية ؟

مهمش 3: ويلي..

مهمش 2: يا ويلي..

مهمش 2, 3 معا: انه الموت يا ابنى ... الموت.. الفرار
الذى لا اعرفه

مهمش 2, 3 بالتتابع: ان وعيينا الدفين يحكم بالجبن علينا
... يغيض لون عزمنا الفطرى فى اعماقنا.

مهمش 2, 3 معا: ونكتسى شحوب طلعة الفجر العليلة.,
والآن. لا بد من الصمت. انه الموت يا ابنى
الموت.

((يدخلان البرواز فى موات تام.))

((يبدأ رجل القبعة فى الدخول ليضع شريطة سوداء على

بواز مهمش فى طقس جنازى))

الرجلان: يا ليلة كوبية الواد مات ...

رجل 1: ضحك عينا وفلسع.

رجل 2: هو احنا عملنا حاجة. دا احنا لسة يدوب؟

رجل 1: والحل؟ الراجل ما عملشى حاجة غلط لحد دلوقتى.
هنكتب اية؟

رجل 2: دا احنا عمرنا ضاع معاه. هو واسلافه. من اول
متعوس على عينه لحد ضايع اجلاسية.

الرجلان: والحل؟: ايوة مفيش غير كدة زوغان؟

((يضحك رجل القبة ويشير فيتجمد الرجال.

يجذبها ويقيدها.))

مهمش صوت خارجى:

ان وعيينا الدفين يحكم بالجبن علينا ...

يغيض لون عزمنا الفطرى فى اعماقنا.

تتداخل الرباعيات: ولدى نصحتك لما صوتى انتبح...

يا قرص شمس مالهوش قبة سما...

مهمش صوت خارجى: ونكتسى شحوب طلعة الفجر العليقة

تتداخل الرباعيات: خوض معركتها زى جدك ما خاض...

صوت المدرس: لقمة العيش مرة... شو ف لك فى الدنيا العبه؟

مهمش صوت خارجى: انه الموت... الموت يا ابنتى...

صوت ورد: اعمل حاجة يا وطن... روح لابويه وقوله..

مهمش صوت خارجى:

انا اللى بالامر المحال اغتوى...

شفت القمر نطيت لفوق فى الهوى

طلته ما طلتوش ايه انا يهمنى..

ما دام بالنشوى قلبى ارتوى.

صوت جاهين:

يا عندليب ما تخافشى من غنوتك...

قول شكوتك.. احكى على بلوتك

الغنوة مش هاتموتكط انما... كتم الغنا هو اللى هايموتك

غناء:

يا عندليب ما تخافشى من غنوتك...

قول شكوتك.. احكى على بلوتك

الغنوة مش هاتموتكط انما... كتم الغنا هو اللى هايموتك

المغنى قاطعا المشهد: يا بابا... يا ماما... انتوا فين...؟ يا

ناس... اسمعوني.. خلاص انا نجحت..نجحت...

غنيت.. غنيت يا بابا... قلت خلاص غنوتى...

وحكيت على بلوتى.. هنا قدام كل الناس دول...

قدام كل الناس دول بزمتمكم بقى مش صوت حلو.

على فكرة...

انا اسمى ((مش هاكون)) ((مش هاكون مهمش

ضايح متعوش على عينه))

وانا بقى ابن الراجل دا... بس انا مش زيه...

مش هاكون برواز...

مش هاكون برواز... وهاغنى والناس دى كلها

هيغنوا معاياه. ياللا غنوا معاياه. صحوا كل
النايمين. قولوا معاياه:

وارجع واقول.... ارجع واقول... لسة الطيور
بتفن. والنحليات بتطن.... والطفل ضحكة يرن.

مع ان مش كل البشر فرحانين.....

ماجدة الرومى: ايه العمل فى الوقت دا يا صديق.. غير اننا
عند افتراق الطريق.. نبص قدامنا على شمس
احلامنا... نلقاها بتشق السحاب الغميق....
وارجع واقول.....



نهاية

رباعيات حلم ضائع
اعداد عن
ديوان رباعيات
الشاعر الرائع / صلاح جاهين

اعداد ورؤية درامية
أيمن عبد الحميد عوض

Fanan.ensan@hotmail.com

fananensanlove@gmail.com

00966531851724 - 0020482275826



إصدار	عنوان الكتاب	التصنيف	المؤلف
1	ترتيل البوستات ج3	أشعار	ناجي عبد المنعم
3	العفريّة الشقية	مسرحية	ناجي عبد المنعم
6	طمي لا زبد	أشعار	د. عبد الحليم هنداوي
7	أبو الطيب المصري	أشعار	عبد الله الشوربجي
12	أنين الروح	أشعار	جيهان عبد الرؤوف
14	أشجار الخوف	أشعار	رضا أبو الغيط
17	بحر العشق	أشعار	مسعد خليل
20	مدمن ضرب	أشعار	سمير موسى
23	عن التواصل الأدبي	دراسة	د. يسرى عبد الغنى
24	حميسة	قصص	عبد المنعم شرف
32	إنكسار حرف	أشعار	محمود هليل
35	أبويّا مات	أشعار	محمد حمدي
36	إهدى عليا	أشعار	سميرة محمودي
41	مسرح خيال الظل	مسرحية	سمير حماية
43	أكبر وهم	أشعار	محمد الفلكي
48	حكاية عمرى	أشعار غ	نبيل نجاح

إصدار	عنوان الكتاب	التصنيف	المؤلف
51	شارع سيدى لاشين	أشعار	محمد سغفان
52	بدون مونتاج	أشعار	محمد السيد سعد
56	الليلة الأخيرة	قصص	عبد الإله الديب
57	أوتار الحروف	أشعار	حسن حمدى البيوميه
59	منتهى العقل	رواية	محمد البنا
63	كروان بلا لسان	أشعار	حسن الأقصرى
66	جدران الماضى	أشعار	أحمد حلمى
68	عمل المرأة	بحث	د. مصطفى يسرى
71	الشيخ العاشق	أشعار	عبد الحليم الزلوعى
73	العفارىت لن تحكم المدينة	قصص	نهى يسرى
74	مين حبها قدى	أشعار	وليد المصرى
75	العرافة	سبعاءيات	سماح هلال
78	حبك يكفينى	أشعار	مسعد سليم
83	رتاج الشمس	أشعار	أحلام غانم
84	سبتمبر 96	أشعار	محمد الساعى
85	الزمكان	أشعار	عمرو المصرى
88	أوراق مبعثرة	خواطر	د. حسنى ريس
89	فضفضة شهيد	أشعار	هناء حواس
90	حلم فى تابوت	أشعار	ياسر عيد
92	ابتسامات القدر	رواية	إبراهيم السمرى
96	وهم على وهم	أشعار	أيمن العشرى
98	الكنز	قصص	يحيى أبو عرندس
100	من نبض قلبى	أشعار	فاطمة عجيبة

إصدار	عنوان الكتاب	التصنيف	المؤلف
102	محطة خوف	أشعار	أحمد هلال
105	نجمتين وسبيل	أشعار	خالد إبراهيم
106	نبض مهرة	أشعار	زينب الشاذلى
111	صلوات فى معبد الجرح	أشعار	محمد عبد الحميد
119	تحت ظل شجرة	قصص	عبد الله ع شماوى
122	بيعدوا أملاكى	أشعار	علاء الدين على
124	الأعمال الشعرية الكاملة	أشعار	أحمد إسماعيل إسماعيل
125	صديقتى تسعه	رواية	سميره ارميا
136	مولاي	أشعار	جهاد زيادة
138	نبضات من حنان	أشعار	م/ حمدي عثمان
140	موعد مع بغداد	أشعار	صباح الجميلي
142	كن مبدعا	دراسة	د. رولينا عمر البدوى
143	أرجوحة الليل	أشعار	أحمد الخويلدى
144	مباراة المائة يوما	رواية	حازم محمد حلمي
154	ينابيع الحكمة	أدب طفل	د. نعمات إبراهيم
157	حلم فاقد الذاكرة	أشعار	عمر السوهاجى
158	وشوشات الليل	أشعار	د. عيد حجازى
169	على ذمة عاشق	أشعار	هناء أبو شنيف
174	آخر صورة	أشعار	محمد البياع
178	الحب النهارده	أشعار	محمد إمام لطفى
182	شخابيط قلم	أدب طفل	شحات خلف الله
189	طعم الوجع	أشعار	فهمى على ناصر
191	عطر الحروف	أشعار	سعيد كمال إمام

إصدار	عنوان الكتاب	التصنيف	المؤلف
194	ابتهاالات قلب	أشعار	سالم عيدروس
197	دقيقة حداد	قصص	محمود أحمد على
204	انشطارات	أشعار	وليد العشرى
205	الفنون الإنسانية	بحث	محمد حسن هلال
206	مخاض القصيد	أشعار	أحمد أبو عاصم
207	على عليه	أشعار	مصطفى بسيونى
210	حبة سكات	أشعار	إيمان بشناق
211	دموع على جسر الوجد	أشعار	محمد ضباشه
213	غواص فى بحر الألم	أشعار	محمود البحيرى
215	ضحكة فوق وش الضى	أشعار	راضى الطهطاوى
216	محطات إنسانية	مقالات	أشرف بدير
223	موسوعة كتاب روائع الومضات الجزء الأول	ومضات	أيمن خليل
225	بهذا أوصانى والدى	أشعار	هانى أبو مصطفى
226	ماتيسر من العشق	أشعار	تهانى فؤاد
227	دموع النورس	أشعار	محمود هليل
228	ذهب الليل وطلعت روحنا	أشعار	إسماعيل شتا
230	سفر الموت	قصص	نرجس عمران
231	مين فيهم عمل إيه؟	مسرحية	سامح سليم
232	قصد وقصيد ورؤية سيمولوجية	بحث	إزدهار محمد ناصر
244	الدائرة المفتوحة	قصص	ماجى صلاح
247	رباعيات حلم ضائع	مسرحية	أيمن عبد الحميد

محتوى الكتاب

2	بطاقة الكتاب
3	رؤية الناشر
4	الإهداء
7	رباعيات حلم ضائع
8	أكون أو لا أكون
10	مسرحية رباعيات حلم ضائع
87	من إصدارات دار النيل والفرات
91	محتوى الكتاب

